



Australian Government

Australia Rammisinak

Kan Ihrawmmi Funtomtu

Australia rammisinak hneksaknak phit dingah na herhmi theihhngalhnak dihlak cu hi cauk ah a um. Rammisinak hneksaknak awn khawh nakding ah pumpak pawl asiloah zatlangbu pawl sinin adang rammisinak phaisa in cawh asiloah co na harh lo. Department nih rammisinak hneksaknak na awn nakding ah an bawm lai tiah a chimmi fun (thil) pakhatkhat kha hna a tlakpi lo i atha ti zong ah a ruat lo.

© Australia Commonwealth 2020

Australia Cozah Uknak Hmelchunhnak (Commonwealth Coat of Arms) dah ti lo, hi ca chuahnak ah telhmi thilri dihlak cu <https://creativecommons.org/licenses/by/4.0/legalcode> ah Siterkhawhnak Angeimi Hrawmmi Sining 4.0 Vawleihuap laisen (Creative Commons Attribution 4.0 International license) tangah pek asi.

Hi nih a sawh duhmi cu hi ca ah chiahmi bantukin thilri caah hi laisen cu hman asi.



Atlakmi laisen sining pawl diktir hna cu <https://creativecommons.org/licenses/by/4.0/legalcode> ah CC 4.0 caah atlingmi phunglei code a um bantukin Hrawmmi Sernak website <https://creativecommons.org/> ah a ngah.

Cozah Uknak

Hmelchunhnak tangah hman khawhmi term hna cu Prime Minister Deparment le Vuancibu website— <https://www.pmc.gov.au/government/commonwealth-coat-arms> ah diktir in langhter asi.

Kan pehtlai

Laisen le hi ca hmannak pakhatkhat kongah hlathlainak pawl cu cohlan asi:

Portfolio Media le Riantuannak
Ramchung Thil Tawlelnak Department
PO Box 25
BELCONNEN ACT 2616

Fianternak

Aboriginal le Torres Strait Islander careltu pawl hna cu hi ca chuahmi ah hmanthlak pawl a tel /asiloah adamlo mi pawl he pehtlaiin aa telmi a um ti kha ralrinpek an si.

Achung Ummi Hna

Na sinah cakuat 2

Hneksakkhawhmi buthen

Then 1: Australia le a minung 7

Then 2: Australia democratic zumhnak, covo le luatnak hna 17

Then 3: Australia cozah le phunglam 23

Then 4: Australia Man Pawl 33

Hneksakkhawhmi buthen sullamfianternak 40

Hneksakkhawh-lomi buthen

Then 5: Nihin Australia 48

Then 6: Kan Australia tuanbia 63

Hneksakkhawh-lomi buthen sullamfianternak 84

Tamdeuh theihhngalhnak caah 86

Lunglawmhnak Theiinternak 88



Na sinah cakuat

Australia rammi siding na thim caah kan in lawmhpi. Ram thar ah khuasak le rammi bantukin tling khitkhat in itel dingah ralthatnak, zuamnak le ipeknak tuah asi. Adaimi le democratic mibu caah na peknak cu man ah kan chiah.

Australia rammi sinak cu na pemnak tuanbia ah abiapimi karhlan pakhat asi. Australia rammi hun sinak nih Australia le kan ihrawmmi man pawl ah acang cuahmahmi pekchanhnak na ser kha a chim duhmi asi. Australia zatlangbu i na phungning chungtelsinak hramthok zong asi. Hili 'Keimah cu Australiami ka si' ti an chimter kho dingmi karhlannak asi.

Australia rammi sinak cu aliannganmi laksawng pawl peknak caantha pakhat asi. Australia rammi hun sinnak in, phun dangte asimi miphun zatlangbu ah na peh cang. Kan ram cu Aboriginal le Torres Strait Islander minung hna, kahin a chuakmi mi dang hna, le vawlei cung hmun kip in a rami mipeem hna pekchanhnak in ser asi. Kan idannak cu kan conglawmh, cun caan khat thiamthiam ah pumkhat le arualmi miphun pakhat caah kan i zuam.

Australia zatlangbu thazaang cu hmunkhat ah buainak pawl kha kan tawlrel hna i Australia hmailei muisam kan tuah. Afekfuanmi cozah ninglam kan ngei, cun Australiami hna nih nawlungeihnak le cozah phunglam pawl kha a upat. Kan fehfuannak, kan nunphung le phunglam hna cu kan tuanbia nih a ser hna. Australia zatlangbu ah ipehnak in, Australia tuanbia na chap lai i a muisam ser bawm dingah dirhmun pakhat ah na um lai.

Australia cu hlanlio vawlei asi. A nganmi le phun dangte asi. Tupi le thingram a ngeimi ram asi; rili kam le thetse, khuapi le loram a ngeimi ram asi. Tlangcungmi kan nunphung hna cu vawlei cungah upa bikmi apehzulmi nunphung hna an si. Miphun no zong kan si i mipeem miphun zong kan si. Australia ah Europe mi umnak cu 1788 ah a thok i nihinni zongah mipeem thar hna cohlannak zong kan pehzulh.

Ram 200 naktam in arami minung hna nih Australia cu an inn ah an ser. Aphichuak ah, kan mibu cu vawlei cungah adang bik mi pakhat asi. Australia nih hlawhtling tein tlangcungmi le nunphunglei idannak kha miphun funtonnak ah a fonh. Rammi sinak cu kan dihlak a kan funtomtu hrawmmi funtomtu asi.

Australia cu democracy uknak ram asi. Rammisinak kan democratic miphun sernak ah tling khitkhat in itel dingah caantha an pek. A sullam cu Australia zatlangbu phungning chungtel bantukin na rian pawl tlinter dingah timhcia na si ti kha asi. Australiami hna nih limhang le pumpak ceo luatnak, pa le nu tlukruannak le, phunglam zulhnak tibantuk hrawmmi man hna kha an zumh. Australia rammisinak cu nifatin nunnak ah hi man hna i nunpi asi.

Australia rammisinak

Australia raamisinak cu mi pakhat nih Australia le a minung hna sinah an zumhawktlaknak ah biakamnak a tuahnak hmun abiapimi tuahtuah kha asi, cun kan miphun mi pakhat bantu kin an covo pawl le rian pawl hman dingah ngeitu siter an si.

Australia rammisinak hneksaknak

Australia rammisinak hneksaknak cu Australia kongah atlakmi theitlei, a democratic ninglam, zumhnak le man hna, cun a rian le rammisinak caantha kong na ngei hnga maw ti mankhiah dingah tuahmi asi.

Rammisinak hneksaknak cu computer-hrambunh, Mirang holh in thimding phunphun hneksaknak kha asi. Cu nih tlukruan in thimmi biahalnak 20 a telh; cun 15 november chungah, Astraliami man pawl he pehtlain biahalnak pa nga zong a telhchih lai.

Hneksaknak awn nakding ah, atlawmbik adihlak zatuak 75 hmak he, man pawl biahalnak i adihlak panga kha na leh hrimhrim awk asi.

Rammisinak hneksaknak cu Australia hmunkip ah a ummi Home Affair Department zung pawl ah tuah asi. Hneksaknak pawl cu Australia ramchung le ramleng riantuannak hmun chung hmun hna zongah caansuai an si.

Australia rammisinak hneksaknak caah timhtuahnak

Rammisinak hneksaknak caah timhtuah dingah hi bawmtu cauk hi na rel a herh lai, *Australia Rammisinak: Kan Ihrawmmi Fonhtu/Temtu*.

Bawmtu thil cauk ah hneksakkhawhmi le hneksakkhawh-lomi buthen a tel.

Hneksakkhawhmi buthen

Rammisinak hneksaknak awn nakding ah theih na herhmi theihhngalhnak dihlak cu hi cauk i ahmasabik then linak ah a um:

- Then 1— Australia le a minung pawl
- Then 2— Australia democratic zumhnak, covo le luatnak
- Then 3— Australia ah cozah le phunglam
- Then 4— Australiami man pawl

Rammisinak hneksaknak ah biahalnak pawl leh dingah hneksakkhawhmi buthen ah theihhngalhnak cu na theih i hngalfian na herh lai.

Hneksakkhawh-lomi buthen

Hneksakkhawh-lomi buthen ah Australia tuanbia le nunphung na hngalh an bawm dingmi abiapimi theihhngalhnak a tel. Hi theihhngalhnak he pehtlain hneksak na si lai lo.

- Then 5— Nihin Australia
- Then 6— Kan Australia tuanbia

Tuahlengmangmi biahalnak

Hneksakkhawhmi buthen donghnak ah, rammisinak hneksaknak caah na timhtuah an bawm dingmi hmanlengmangmi biahalnak 20 a um.

Sullam Fianternak

Hneksakkhawhmi le hneksakkhawh-lomi buthen a pahnih i adonghnak ah sullam fianternak (biapi biafang le an sullam pawl cazin) a um.

Tamdeuh theihhngalhnak caah

Bawmtu thil cauk a hnulei ah, thukdeuh theihhngalhnak hmuh nakding hmun kongah ruahnakcheuhnak na hmuh khawh.

Rammisinak hneksaknak chungah bawmhna

Australia rammi si a ruahchanmi tambik hna nih bawmhna loin rammisinak hneksaknak phit dingah a herhmi tialrel thiamnak an ngei lai tiah kan i ruahchan. Catial in holhna ah seehleim thiamnak (technology), biaha hna le lehna thimding ngaih dingah na hman khawhmi hna zong a ngah thiamthiam.

Australia rammisinak hneksaknak dih hnu

Hneksaknak na awn ahcun, na soknak tuah kan pehzulh lai. Na soknak cu hnatlakpi asi i rammisinak phungphai kai dingah fial na si ahcun, phungphai kainak sawmnak cakuat na hmuh lai. Atlangpi in, na phungphai cu na soknak hnatlakpi a sinak caan in thla ruk chungah tuah asi lai.

Australia Rammisinak Chiatserh Biakamnak

Chuahnak in asiloah duhthimnak in Australiami kan si zong ah, kan rian hna le tinvo hmuhmi pawl le rammisinak sullam hngalhian cu Australia rammi dihlak caah abiapi. Hihi kan miphun hlawhtlinnak pehzulhna ah abiapi ngaingai.

Na Australia rammisinak phungphai na kai tikah, Australia Rammisinak Chiatserh Biakamnak na tuah lai.

Cu bantuk tuahnak in, Australia ah zapi pekchanhna na tuah i rammisinak rian hna le tinvo hmuhmi hna na cohlan asi.

Hihi chiatserh biakamnak na tuah dingmi cu asi:

Tu caan thok in, Pathian hruainak tangah,*

Australia le a minung,

Ka hrawmmi aa democratic zumhna,

Ka upatmi a covo pawl le luatnak pawl ah zumhawktlak ka si lai, cun

A phunglam hna cu ka tlaih lai i ka zulh lai tiah bia ka kam.

* Mi pakhatkhat nih biafang 'Pathian hruainak tangah' ti hman lo le hman kha a thim khawh.

Hi cauk na rel tikah, Chiatserh biakamnak phenah aa sullam le Australiami mibu ah na rian thatter khawhna lam hngalhna kha na hmuh lai.



Australia rammisinak phungphai

Australia rammisinak phungphai pawl cu a hme kho, minung tlawmte lawng an itel kho, asiloah a tam zong an tam kho, a za za asiloah a thong thong minung zong an itel kho ko. Rammi hna le bawi pawl hna lakah lungumnak le uannak thuhnak nih a lawm taktakmi conglawmhnak a ser.

Rammisinak phungphai thoknak ah, na umnak hmun ah phunglamlei in vawlei ngeitu asimi Aboriginal le Torres Strait Islander minung hna aiawhtu nih an in don khawh. Ram ah hi donnak cu kum thong thong chungah nunphunglei in hi ram/vawlei ah khusami, Australia Tlangcungmi hna nih an tuah. Na umnak zatlangbu asiloah cozah aiawhtu hruaitu dang hna sinin donnak le thazangpeknak bia hna na theih lai.

Australiami si a thimmi mi dang hna he thangpi in Australia Rammisinak Chiatserh Biakamnak kha na rel lai asiloah na nolh lengmang lai. Hihi phungphai i abiapi bikmi pakhat asi. Australia ah apnak chiatserh biakamnak na ser hlanlo Australia rammi na si lo.

Chiatserh Biakamnak na ser lioah ca thiang asiloah Baibal ca put cu cohlan asi, asinain cu bantuk cu tuah na hau lo.

Na zatlangbu asiloah cozah aiawhtu sinin hruaitu pawl nih rammisinak sullam he pehtlai in bia tawi chimnak an ngei lai. Australia Rammisinak Ca na hmuh lai i zatlangbu sinin laksawng te zong na hmuh lai. Mivialte nih 'Australia Thangcho Ko She' (Advance Australia Fair) timi Australia miphun ramhla an sak lai.

Rammisinak phungphai di h hnuah, na hawi Australiami hna he tonnak le conglawmhnak caantha na ngei lai.

Australia rammi hun sinak le adaimi le thil tampi a chuahtermi nunnak na kawlnak ah hlawhtlinnak dihlak hmu hram ko tiah thlaza kan in campiak.

Tamdeuh theihhngalhnak caah

Australia rammisinak website,
www.citizenship.gov.au ah zoh.





Hneksakkhawhmi buthen thoknak



THEN KHATNAK

Australia
le a minung hna

Australia le a minung

Rammisinak phungphai ah, Australia le a minung hna sinah na zumhawktlaknak chiatserh biakamnak na ser lai. Cucaahcun, Aboriginal ro telh in, Australia zatlangbu le milu hngalhfiannak ngeih cu na caah abiapi. Australia tuanbia le a fekfuanmi le hlawhtlingmi nunphung phunphun cawhmi miphun ah kan ser ning hngalhfiannak zong kha na caah abiapi.

Hi buthen ah, kan tuanbia ah tuahmi thil cang cheu khat kong zong na rel lai Kan state hna le territory hna, adangmi phunglam le hmelhchunhnak hna in uangthlar ngain Australiami kan sinak kong ah theihhngalhnak a um.

Aboriginal le Torres Strait Islander minung hna

Australia ah ahmasabik khuasa hna cu Aboriginal le Torres Strait Islander minung hna an si, cu hna cu vawlei cungah a upa bik nungphung le phunglam a ngeimi an si.

Tuanbia ningin, Aboriginal minung hna cu abiapi bikmi hmun Australia le Tasmania in a rami an si. Hlanlio khuasaknak tialkhumhnak nih Aboriginal minung hna cu aluancia 65,000 le 40,000 kerlakah Australia an rak phan tiah a langhter; asinain, Aboriginal minung hna nih kanmah cu hi ram sernak tuanbia ah a biapi bik kan si i kan tuanbia sernak cu caan thoka in a thok tiah an zumh. Torres Strait Islander minung hna cu Queensland le Papua New Guinea chaklei tlang kerlak tikulh in a rami an si.

Aboriginal le Torres Strait Islander minung hna nih nihinni tiang a hruaitu hna a hlunmi zumhnak le phunglam hna an ngeih. Ram he a thukmi pehtlaihnak an ngei, cucu an tuanbia, kutzung serthiamnak (art) le laam ah langhter asi. Tlangcungmi nunphung pawl cu a dangmi an si i Australia miphun sinak ah abiapimi pakhat asi.

Aboriginal le Torres Strait Islander minung kong tamdeuh theihhngalhnak cu *Then 5, Nihin Australia le Then 6, Kan Australia Tuanbia* ah hmuh khawh asi.

Mi hmasa Europe mi umhmunkhuarnak

Europe mi umhmunkhuarnak cu ahmasabik misual tilawng 11 'Ahmsabik Tilawng' tiah theihmi, cu 26 January 1788 ah Great Britain in a phaknak in a thok.

Hi caan ah British phunglam pawl cu an hrang ngaingai i thonginn hna nih an sualnak ruangah thongtlakmi minung hna cu tam a rak tlum hna lo. Hi harnak siamrem dingah, British Cozah nih misual hna cu vawlei cung kip le colony thar New South Wales ah kuat dingin biachahnak a rak tuah.

New South Wales colony hmasabik Uktu cu Captian Arthur Phillip asi. Colony uknak cu a rak nung i misual hna le khamlomi umhmunkhuarnak hna tamdeuh an rak phak tikah, minung cu an karh i khua cu a thangocho. Colony uknak tamdeuh cu Australia hmun dang pawl zong ah dirh a rak si.

Tuandeuh khamlomi umhmunkhuarnak hna cu Great British le Ireland in a rami an si.. British le Irish ro nih Australia naite tuanbia, nunphung le ramkhel he pehtlai in iapnak/khuhnak nganpi a ngeih.

1851 ah, Tlanglei Wales Thar le Victoria ah sui hmuh a rak si tikah 'sui kawlnak' (gold rush) a rak i thok. Vawlei cung hmunkip in minung pawl hna cu hi colony pawl ah an van ser dingah an ra hna. Eropet loin hi caan ah a rak rami Taluk pawl hna cu ahmasabik mipeem bu ngan an rak asi. Kum 10 chungah, Australia milu cu a lethnih naktam in a rak karh.



Australia miphun

1901 ah, athenmi colony hna cu Australia Commonwealth tiah auhmi state hna fonhna ah an i fonh. Hi caan lioah kan miphun parliament, cozah le Biaceihnak Zung Sang hna telh in, kan miphun democratic phunglam hna cu Australia Phunghram thar tangah ser a rak si. 1901 ah, Australia milu cu nuai li hrawng a rak si. Hi milu chungah Aboriginal le Torres Strait Islander minung pawl an rak i telh lo. 1967 zapi methlaknak dih hnu tiang ah hi hna pawl cu Australia milu cozah relnak ah telh an rak si lo.

Kum zabu 20th ahmasa canceo chungah, peemnak dirhmun cu a karh i a tla. Bristish mipeem hna cu kahin umhmun khuarding ah lungtho ngaiin forhfialnak prokrem hna a rak um i mi tampi nih umhmun an rak khuar.

Vawlei Ralpi II hnuah, Europe i minung hna cu a nuai nuai in an khuaram chuahtak an hauh tikah, Bristish-silomi mipeem hna tampi an rak phan. Europe mi tampi hna cu nunnak thar ser dingah Australia ah an rak ra.

Naite kum chungah, Kan peemnak le ralzaam prokrem nih vawlei cung dihlak ram hna in Australia ah minung a phakter hna. Minung pawl hna cu kahin innchungkhar he i fonh dingah, nunnak thar ser dingah, asiloah sifahnak, ral asiloah hremnak in luat nakding ah an ra.


Australia cu kan miphun ah a cangmi mipeem hna pekchanhnak nih ngan ngai in a rumter. Australia minung hna idannak kan conghlawmh tikah, a sengtlaimi le pakhat asimi miphun ser zong kan i tinh.

Australia miphun holh cu Mirang holh asi. Cucu kan miphun sinak pakhat asi. Australia man hna itlaihpengnak ah, mipeem hna nih Australia mibu chungah an itelnak bawm dingah Mirang holh cu an cawn i an hman awk asi. Mirang holh in chawnhbiaknak cu Australia ah atha bikmi khuasaknak le riantuannak sernak caah abiapi ngaingaimi asi.

Aboriginal le Torres Strait Islander adangmi holh 100 naktam telhchih in, holh dang hna zong mansung ah chiah an si.

Australia state hna le territory hna

Australia Commonwealth cu state hna le territory hna fohhmi asi. State paruk le biapi-hmun territory pahnih an um Canberra cu Australia ram khualipi asi i state le biapi-hmun territory ceo nih anmahle khualipi ceo an ngeih.



State	Khualipi
New South Wales (NSW)	Syney
Victoria (Vic.)	Melbourne
Queensland (Qld)	Brisbane
Western Australia (WA)	Perth
South Australia (SA)	Adelaide
Tasmania (Tas.)	Hobart
Territory	Khualipi
Australian Nganbik Territory (ACT)	Canberra
Northern Territory (NT)	Darwin

State hna

New South Wales cu British nih ahmasabik colony uknak a sermi asi. Sydney cu New South Wales khualipi asi i a ngan bikmi ram khualipi asi. Syney Tilawng Dinhnak Hlei le Laamnak Innpi cu miphun hmelchunhnak milem (icon) an si.



Victoria cu biapi-hmun state hmebik asi. Victoria khualipi cu Melbourne asi. Victoria ah inn tha tampi hna cu 1850 hrawng sui kawlnak (gold rush) nih a chuahpi mi chawva in sakmi an si. Victoria hmelchunhnak milem hna cu Melbourne Cricket Celhtual, Lamkaltu 12 hna, le Siangpahrang Thilri Hmuhsaknak Innpi hna an si.



Queensland cu a ngan bikmi pahnihnak state asi. Queensland khualipi cu Brisbane asi. Torres Strait Islands cu state chaklei ah a um i vawlei cung-minthang Great Barrier Lungpang cu nichuahlei rilikam ah a chong. Queensland cu ramlum tupi, a lum tuk lo kik tuk lo rilikam hmunhma le a rocar lengmangmi leihmun asi.



Western Australia cu a ngan bikmi state asi. Perth cu Western Australia khualipi asi. State nichuahlei cu thetse rawn asi, nitlak-thlanglei cu cinthlaknak le misur cinnak caah athami hmunhma asi. Western Australia state cu leitang chuak thil kawlnak rian hmunpi asi. Western Australia hmelchunhnak milem hna cu Ningaloo Rilikam, Margaret Tiva, le Kimberley hmun hna an si.



South Australia ah abingbomi rilikam vawlei le minthang misur hmunhma tampi a um. Adelaide, khualipi bik ah colony chan ah sakmi inn tha tampi zohchunawk a um. South Australia hmelchunhnak milem hna cu Barossa Nelrawn le Flinder Tlang hna an si.




Tasmania cu a hmebikmi state asi i Bass Strait in biapi hmun in a thenmi asi. Tasmania khualipi cu Hobart asi. Tikulh tamdeuh hna cu thurhnawmhlomi ramcar muisam hna an si. Tasmanian hmelchunhnak milem hna cu Cradle Tlang, Port Arthur, le Fire Bay (Bay of Fires) hna an si.



Territory hna

Australia Nganbik Territory cu Sydney le Melbourne kerlakah a um. Hihi ram khualipi, Canberra luhnak hmun asi. Australia Parliament Inn le Biacaih Zung Sang telh in Canberra ah ram fimcawnnak hmun pa hnih thum hna an um.



Norther Territory nih state chaklei ah ramlum hmunhma a ngeih i thlanglei ah arocarmi thetseram sen a ngeih. Darwin cu khualipi asi. Northern Territory hmelchunhnak pawl cu Uluru, Kata le Kings Canyon hna an si.





Phunglam hna

Ram le Ram ningcang hna Theihternak ah Donnak

Ram ah donnak cu an phunglamlei vawlei ah mileng hna a dongmi, tualchung hmun khuasa Aboriginal asiloah Torres Strait Islander zohkhenhtu nih aa tuah tawnmi nunphunglei tuahmi asi. Hihi phunglam ningin mileng hna nih cu vawlei ah an um caan chungah ahimmi le humhakmi khaulawnnak an ngeih nakhnga fehter dingah tuahmi a rak si.

Ram ah donnak cu hla, lam, kuakzuk conglawmhnak pawl asiloah phunglamlei holh asiloah English in biachimnak telhchih in phun tampi in tuah khawh asi.

Ram ah donnak cu tuahtawn ningin puai on nakding ah cawlcanghnak hmasabik thil asi.

Ram Theihternak cu pumhkhawmhnak cu Aboriginal hna asiloah Torres Strait Islander vawlei he a pehtlaimi asi; Phunglamlei Zohkhenhtu hna, ahleikhun in aluancia le atu Upa hna upat pek; kainak ah a ummi Aboriginal le Torres Strait Islander minung pawl upat peknak theihpinak caantha pakhat asi.

Ram Theihternak cu tuahtawn ningin Donnak le Tonpumhnak le puai pawl ah Inn Zohkhenhnak i chimnak asi. Mizeipoah nih Ram theihternak cu an chim khawh. Tonpumhnak/puai hna ah, atlangpi in Phungphai Tuahnak Lutlai asiloah Lubik nih a tuah tawnmi asi.

Hi tuahnak hna cu Aboriginal le Torres Strait Islander minung hna caah upatnak langhternak caah tuahmi asi.



Australiami hna caah biapi ni hna

Australia Ni

26 January thla ah, Australia Ni kan conglawmh. Australia Ni cu Australia ah a ummi state le territory dihlak ah ulh asi. Hihi 1788 ah Great Britain in Ahmsabik Tilawng a phaknak camphak ni asi.

Australia Ni ah, Australia chung zatlangbu hna nih kan tuanbia le kan ihrawmmi hlawhtlinnak ah a pechanmi minung hna an langhter. Hihi Australia ah kumfatin zapi ulh ni nganbik asi.

Australia Ni cu Australiami poahpoah nih hmun khatOle caan khat ah athawngmi kan miphun caah pekchanhnak an tuahmi theihternak le conglomhnak tuahnak ni asi: kum 65,00 hrawng ah kahin khua a raksami Aboriginal le Torres Strait Islander minung hna chan in chan tampi chung khuasa hna, le kan ram cu inn ah serding ah vawlei kil in a rami hna theihternak tuahnak asi. Australia Ni cu ahleikhun rammisinak phungphai hna telh in, Australia pumpaluk ah puai tuahnak in hman(hmelchunh) asi.

Australia Ni conglawmhna Ni ah, Prime Minister nih Canberra ah Australian of the Year Award a thanh.

Anzac Ni

Anzac Ni cu 25 April ni ah philhlonak tuah peng asi. Anzac Day cu Australia le New Zealand Ralkap hnu ah minsakmi a si, cucu Vawlei cung Ralpi I lio 25 Vaupi (April) 1915 lio i Türkiye chung Gallipoli ah a rak tummi an si.

Anzac Ni cu ral, idohnak le daihnak-tlaihpengnak riantuannak ah rian a rak tuan i a thimi Australiami dihlak nunthapnak kan hngalhthannak rumra ngeimi ni asi. Adangmi raltuknak tampi ah a telmi hna le kan ralkap pa le nu hna an ralthatnak le an ipekchanhnak zong kan upat.

Adang abiapimi miphun ni hna le conglawmhna kongah theihhngalhnak cu *Then 5, Australia ni ah hmuh khawh asi.*

Miphun Australia thantar

Australia Miphun Thantar cu kan miphun cozah theihpimi thantar asi. Zatlangbu chungah cozah theihpimi adang thantar le thlaimi hna ah Aboriginal le Torres Strait Islander Thantar hna an itel.

State le territory ceo hna nih anmahle thantar an ngei hna, cu hna cu cahmai 11 ah zoh khawh asi.

Australia Miphun Thantar

Australia Miphun Thantar cu vandum, arang le asen muici asi.

- United Kingdom thantar asimi, 'Union Jack' cu a cung kehlei kil ah a um. Hi nih aphichuak ah kan comi kan British umhmunkhuarnak tuanbia le phung le phunglam hna kha a langhter.
- Commonwealth Arfi cu Union Jack tangah a um. Hi arfi nih dot pasarih a ngeih, an dot ceo nih state paruk chung i pakhat ceo le territory hna caah dot khat nih a aiawh. Hi arfi nih dot pasarih a ngeih, an dot ceo nih state paruk chung i pakhat ceo le territory hna caah dot khat nih a aiawh.
- Tlanglei Vailamtah, orhlei ah a ummi cu tlanglei van in hmuh khawhmi arfi bu asi.



Aboriginal Australiami Thantar

Aboriginal Australiami Thantar cu a naak, a sen le aihre muici hna an si.

- A par canceo cu a naak i Australia Khua Hlumhmasami minung hna a aiawh hna.
- A tawne canceo cu a sen i vawlei kha a aiawh, cu nih phungphai biapitnak a ngeih.
- Aihre muici kulh nih nika a aiawh.



Torres strait Islander Thantar

Torres Strait Islander Thantar cu a hring, vandum, a naak le a raang an si.

- Ahring tialhmi nih vawlei kha a aiawh.
- Alai i vandum muici tlangkomh nih rilil kha a aiawh.
- A naak rin pawl nih Torres strait Islander minung hna kha a aiawh.
- Alai i araangmi laamtu luchin cu Torres Strait Islander pawl dihlak caah hmelchunhnak asi.
- Araang arfi deh hna nih Torres Striat ah a ummi tikulh bu hna kha a aiawh hna i araang muici nih daihnak kha a langhter.



Australia hmelchunhnak hna

Commonwealth Cozah Hmelchunhnak

Commonwealth Cozah Hmelchunhnak cu Australia Commonwealth cozah hmelchunh asi. Kan miphun pakhat sinak a aiawh. Hi nih Australia Commonwealth nawlingeihnak le thilri kha a langhter.

- Alai i phaw nih state paruk le fonhnak a aiawh.
- Kangaroo le emu nih a sirlei ceo in phaw cu a doh. Cu pahnih hna cu Australia kokek saram an si.
- Sui Commonwealth Arfi cu a phaw cung ah a thu.
- A hnukham cu sui muici wattle thingkung asi i cucu Australia miphun pangpar asi.



Australia miphun pangpar

Australia miphun pangpar cu sui muici wattle thingkung asi. Hi ahmemi thingkung cu a tambik in nichuah-tlanglei Australia ah a thangmi asi. Sikpar ah a0cermi hring hnah le sui muici aihre pangpang a ngeimi thingkung asi. Australia le state le territory ceo hna zong nih hmelchunhnak pangpar an ngei hna.



Australia miphun muici hna

Australia miphun muici hna cu ahringmi le sui muici- sui muici wattle thingkung par muici hna an si. Kan miphun zaanglek phu thuam cu voi dang tawn bantukin ahringmi le sui muici asi.



Australia miphun lungvar

Lungvar cu Australia miphun lungvar asi. Khua Hlumhmasa phung tuanbia ning ah, chuncha nih vawlei cu a tongh i opal muici pawl a ser.



Australia miphun ramhla

‘Tlukruan In Australia Thangcho Ko Seh’ cu Australia miphun ramhla asi. Australia Rammisinak phungphai le abiapimi zaangleknak puai pawl ah telhchih in miphun biapi caan ah sak asi.



Advance Australia Fair

*Australians all let us rejoice,
For we are one and free;
We've golden soil and wealth for toil;
Our home is girt by sea;
Our land abounds in nature's gifts
Of beauty rich and rare;
In history's page, let every stage
Advance Australia Fair.
In joyful strains then let us sing,
Advance Australia Fair.*

*Beneath our radiant Southern Cross
We'll toil with hearts and hands;
To make this Commonwealth of ours
Renowned of all the lands;
For those who've come across the seas
We've boundless plains to share;
With courage let us all combine
To Advance Australia Fair.
In joyful strains then let us sing,
Advance Australia Fair.*



THEN HNIHNAK

Australia democratic
zumhnak, covo le luatnak hna

Australia democratic zumhnak, covo le luatnak hna

Rammisinak phungphai ah, biakamnak na tuahmi cu Australia democratic zumhnak hna cu ka hrawm lai i a covo le a luatnak hna cu ka upat lai ti kha asi. Australia democratic zumhnak, le Australiami nih a hrawm covo le luatnak hna hngalhian cu na caah abiapi ngaingai.

Hi cauk hmete chungah hi then nih hi zumhnak, covo le luatnak hna kong cu a chim. Tamdeuh theihhngalhnak caah *Then 4, Australia man hna ah zoh.*

Kan democratic zumhnak hna

Parliament he a pehtlaimi democracy uknak

Australia cozah ninglam cu parliament he a pehtlaimi democracy asi. Hi ninglam ah a tel bantukin cozah nawlungeihnak cu Australia mipi sinin a rami asi, aruang cu Australia rammi hna nih parliament ah anmah aiawhtu minung hna cu mee an pek hna. Parliament ah aiawhtu hna nih mipi hna cu, thimnak in, biakhiahnak an sermi kongah lehnak an tuah hrimhrim hna awk asi.

Phunglam Zulhnak

Australiami dihlak hna cu phunglam tangah an itlukruang di. Phunglam Zulhnak nih a sawh duhmi cu zei bantuk minung, bu asiloah biaknaklei phung hmanh phunglam cungah an um lo ti kha asi. Australia zatlangbu ah sinak nawlungeihnak a ngeimi minung hna telhchih in, mivialte nih Australia phunglam cu an zulh hrimhrim awk asi. Hi ah a telmi hna cu cozah, zatlangbu le biaknaklei hruiatu hna, cun chawlehnak a tuahmi minung hna le palik hna zong an si.

Daitein khuasaknak

Australiami hna nih afekfuanmi cozah he adaimi ram ah khuasak cu a aung. Australiami hna nih thlennak cu caihhmainak, adaimi lemsoinak, le democratic ningcang in a um awk asi ti an zumh. Mi pakhat lungthin asiloah phunglam thlen dingah zaangennak lam cu kan hlawt.

Hnulei tuanbia zoh loin pumpak dihlak hna upatnak

Australia democratic ninglam cu pumpak dihlak nih, an hnukham zoh loin, Australia phunglam tangah an ngeihmi covo le tlukruannak phunglam hrampi ah hrambunh asi. Australiami dihlak hna cu pakhat le pakhat kha an phun, chuahkehnak ram, nulepa, nu/pa sinak thleidennak, va/nupi ngei le ngeilo sinak, kum, pumtlinlonak, ro, nunphung, ramkhel, chawva asiloah biaknak hna zoh loin, tihzahnak le upatnak he biakchawn tuahto dingah ruahchan an si.



Kan zalonnak hna

Zalong tein chimphuannak le langhternak

Holh zalonnak cu Australiami man muru pakhat asi i kan democratic ninglam cu a dirkamh. Zalong tein chimphuannak nih a sawh duhmi cu minung hna nih an ruahmi kha an chim i an tial khawh, cun an ruahnak kha midang he an i caihhmai khawh ti kha asi. Bianabiaah, minung hna nih Australia upadi an zulh caan chung poah cu cozah khan an soisel khawh, cozah biakhiahnak pawl doh in adaimi duhnak langhternak an tuah khawh i upadi pawl thlen nakding cawlcanghnak zong an tuah khawh.

Zalong tein langhternak nih a sawh duhmi cu minung hna nih kutzung serthiamnak, mui lang thlalnak, ringawn le cabia telhchih in, an hmuhning an langhter khawh. Minung hna cu zatlangnun asiloah ramkhel caihhmainak caah zapi asiloah pumpak hmun ah zalong tein tonpumh khawh asi.

Zeitik caan poah ah, zalong tein chimphuannak le langhternak tuah tikah, Australia phunglam cu zulh hrimhrim awk asi. Midang chimphuannak le langhternak zalonnak zong kan upat hrimhrim awk asi.

Zalonnak bu

Hrawmmi tinhmi hna zulhdawinak ah zalonnak bu ser le bu ah luh cu cova asi. Bianabiaah, Australia minung hna nih rakheel party, chawlehnak fonhnak, biaknaklei, nunphunglei asiloah zatlang nun lei bu tibantuk, phunglei bu pakhatkhat ah zalong tein luh khawh asi. Minung hna nih luh loding zong in biakhiahnak an ser khawh i, cu bantuk tuah dingah hramhram in hnek khaw an si lo.

Australiami hna cu cozah cawlcanghnak asiloah bu cawlcanghnak doh in midang he duhnak an langhter khawh. Asinain, zeitik caan poah ah, Australia phunglam cu zulh hrimhrim awk asi. Hi nih a sawh duhmi cu pumhkhawmhnak cu adaimi asi hrimhrim awk asi i mi pakhatkhat asiloah thilri pakhatkhat cu an hliam/hrawh hrimhrim awk asi lo.

Biaknak zalonnak

Australia nih Judaeo-Khrihfa ro a ngeih i, Australiami tampi hna nih anmah hna cu Khrihfa tiah an i ti, asinain biaknak ngan dihlak in a rami minung hna zong Australia ah an um. Australia nih Khrihfa ni hna he pehtlai in Jesuh Thih Ni Ningani(Good Friday), Jesuh Thawhthan Ni Zarhpini(Easter Sunday) le Christmas Ni tibantuk zapi ulh ni hna a ngeih.

Cozah le phunglam nih an biaknak asiloah zumhnak cu zeibantuk asi zong ah, rami dihlak hna cu tlukruan in a tawlrel hna. Australia ah cozah cu vawlei lei thil asi, cu nih a sawh duhmi cu biaknak asiloah adang biaknaklei thil hna in adang tein rian a tuanmi asi ti kha asi. Australia a ummi minung hna cu an i thimmi biaknak zulh dingah an zalong. Biaknak zulhding zong an i thim lo khawh.

Zeitik caan poah ah, biaknak cawlcanghnak/hmannak tuah tikah, Australia phunglam cu zulh hrimhrim awk asi. Australia phunglam le biaknaklei zumhnak kerlakah buainak a umnak hmun ah Australia phunglam cu hman asi.

Kan itlukruannak

Australia ah mi pakhat cu an nu/pa sinak, miphun, pumtlinlonak asiloah kum ruangah midang he a dang in tuahto lo ding timi phunglam tampi a um.

Nulepa tlukruannak

Australia ah pa le nu hna nih a tlukruangmi covo an ngei. Nu/pa sinak ruangah mi pakhat doh in thleidan cu phunglam doh asi.

Caantha le 'atlukruangmi tuahtonak' tlukruannak

Kan mibu chungah atlukruangmi caantha cu Australiami hna nih man ah kan chiah; cucu 'atlukruangmi caantha' tiah auh asi. A sullam cu nunnak ah mi pakhatkhat nih hlawhtlinnak a hmuhmi cu an chawva asiloah hnulei an tuanbia nakin an pahrang, rian le thazaang i aphichuak pakhat bantuk asi awk asi. Australia mibu ah phungning sinak idannak a um lo ti fehternak asi.

Australia rammisinak rian le caantha hna

Australia rammi na si tikah, ahlei rian le caantha hna na ngei lai.

Australia na pek dingmi rianhna

Australia rammi pakhat na sinak in na tuah hrimhrim awk hna:

- Australia phunglam zulh
- federal state asiloah territory thimnak hna le zapi mee thlaknak ah mee pek
- herhnak a um ahcun Australia runven
- biacaihtubu ah riantuan fial na si ahcun tuan.

Caantha— Australia nih an pek dingmi

Australia rammi pakhat sinak in na tuah khawhmi hna:

- Federal state asiloah territory thimnak hna le zapi mee thlaknak ah mee pek
- chuahkehnak in ramdang chuah asimi ngakchia hna caah Australia raami sinak sok
- australia Cozah Rian asiloah Australia Runvennak Ralkap ah rian sok
- parliament caah thimnak kawl
- australia passport sok le zalong tein Australia ah luh-thannak sok
- ramdang um lioah Australia zung in consular bawmhna hal.



Rian hna

Australia phunglam zul

Cozah ah a kan aiawhtu hna nih a ningcangmi, a zalongmi le a himmi mibu sinak itlaihpengnak le kan covo humhaknak phunglam an ser. Australia ah Australia rammi hna le adang minung dihlak hna nih Australia phunglam cu an zuhl hrimhrim awk asi.

Australia ah abiapimi phunglam pawl kong tamdeuh theihhngalhnak cu *Then 3, Australia ah Cozah le phunglam ah hmuh khawh asi.*

Federal le state asiloah territory thimnak hna le zapi mee thlaknak ah meepeknak.

Meepeknak cu Australia rammi kum 18 asimi le a cung hna caah abiapimi rian, covo le caantha asi.

Federal le state asiloah territory thimnak le Australia phunghram thlen dingah meepeknak asimi, zapi thlaknak ah meepek cu Australia rammi kum 18 asi cangmi asiloah a cung hna caah rian pakhat asi. Hi tuahnak in, Australia rammi hna nih Australia uk ning le a hmailei ca ipekchanh ning he pehtlaiin chimphuannak an ngei.

Federal le state asiloah territory thimnak ah meepek cu tuahlo khawh lomi asi. Cheukhat state hna ah tualchung cozah thimnak hna ah meepek ding cu tuahlo khawh mi asi kho.

Australia Phunghram kongah tamdeuh theihhngalhnak cu *Then 3, Australia ah Cozah le phunglam ah hmuh khawh asi.*

Herhnak a um ahcun Australia runvennak Australia Runvennak Ralkapbu ah riantuan cu mahduh thim asi i, Australia rammi hna rian cu Australia nih a herh a ti ahcun Australia runven ding asi. Aherh ahcun miphun le a nunnak lam runven dingah lungkhat in luh dingah Australiami dihlak hna an i pek cu abiapi ngaingai.

Biaceihtubu ah riantuan fial na si ahcun tuan

Biaceihtubu rian ah, rian fial na si ahcun, kum 18 le a cung Australia rammi hna rian asi. Biaceihtubu cu biaceih zung case he pehtlaiin tette/langhtertu kha a ngaih i mi pakhat cu a sual asiloah a suallo ti biakhiahnak a sermi zaran Australiami pa le nu bu pakhat asi.

Thimnak meepeknak cazin ah a ummi Australia rammi hna cu biaceihtubu ah riantuan auh khawh an si. Baiceihtubu rian nih biaceih zung ninglam thuhpehlonak le dinnak fehternak a bawmh.

Caantha hna

Australia Cozah Rian le Australia Runvennak Ralkapbu ah rian soknak

Australia rammisinak caantha cu Australiami Zapi Rian le Australia Cozah caah rian, bianabiaah, Australia Ngunkhuaipeknak Zung(ATO) hna ah rian soknak kha asi.

Australia rammi hna nih Australia Runvennak Ralkap (Ralkap, Ti Ralkap le Van Ralkap) chungah rian soknak covo zong an ngeih.

Parliament ca thimnak kawlnak

Kum 18 asi cangmi asiloah acung asimi Australia rammi, ram-hnih rammisinak a ngei lomi hna nih federal, state asiloah territory sinak ah parliament caah thimnak an kawh khawh. Australia parliament chungah riantuan cu upatmi le abiapi tukmi rian asi.

Australia passport sok le zalong tein Australia ah lutthannak.

Australia rammi na hun si tikah, Australia ah zalong tein khuahsannak covo na ngei. Australia passport soknak caantha zong na ngei. Australia rammi pakhat sinak in ramleng na tlawn ahcun, visa herhnak um loin Australia ah zalong tein na kirthan kho.

Ramleng na um lioah Australia zung pakhatkhat in consular bawmhnnak nah al khawh

Ram tampi ah, Australia nih aiawhtu zung, asangmi rianthiahmi bu asiloah consul zung a ngeih hna. Ramleng na um lioah, herhnak caan ah Australia cozah sinin bawmhnnak nah al khawh. Hi bawmhnnak ah a telmi hna cu ramchung buainak le kokek harnak tibantuk hna an si.

Australia zung hna nih ramleng ah a ummi Australia rammi hna cu lakruak passport thil kong ah siseh, accident tonsualnak, afakmi zawtfahnak asiloah thihnnak kong he pehtlaiin ruahnak le bawmhnnak zong nah al khawh hna.

Ram dang na um tikah, cu ram phunglam cu na zulh hrimhrim awk asi.

Chuahkehnak miphun in ramdang chuakmi ngakchia hna Australia rammi an si nakding ah soknak

Australia rammi hna nih ramdang ah a chuakmi an fale Australia rammi sinak an sok khawh.

Australia mibu ah itelnak

Australia nih rammi dihlak hna cu mibu chungah thekvak ngaiin itel kha a forhfial hna. Athekvakmi rammi hna nih Australia hmailei muisamsernak rian le caantha kha an tuan. Bianabiaah, mahlungtho tein zatlangnun le zatlangbu rian tuan dingah innpa le tualchung zatlang bu hna ah na tel kho, thil dawh serthiamnak asiloah nunphunglei bu ah na tel kho i ramkhel nun zong ah thekvak ngaiin na tel kho.

Ngunkhuai pek cu Australia zatlangbu ah dengteo in na pekchanhnak abiapimi lam dang pakhat asi i cucu phunglam nih a fialmi asi. Ngunkhuai cu na rian, chawlehnak asiloah phaisa hrambunh in riantuannak in na hmuhmi phaisa chungin pek asi i cucu Australia Ngunkhuaipeknak Zung (ATO) nih a kholh. Thilri le riantuanpiaknak tampi he pehtlaiin ngunkhuai hna zong an um. ATO nih rammi dihlak hna nih ngunkhuai adik zat pek dingah an ngunkhuai covo le tuarvo an hngalhnak fehternak rian a tuan.

Australiami hna nih thathnemnnak tampi an i nuamhmi hna cu ngunkhuai in asikhomi ah ser asi. Ngunkhuai hna cu cozah-phaisa bawmhmi ngandamnnak zohkhenhnak le fimcawnnak, runvennak, lam le tlanglawng lam le zatlang nun humhannak telh in riantuannak pawl ah hman asi.

Riantuannak le ngunkhuai peknak in, cozah nih Australia zatlangbu sinah hi abiapimi riantuannak pawl a pekmi hna na bawmh asi. State le territory cozah le tualchung council hna zong nih riantuannak pawl caah pekding ngunkhuai an kholh. Hi riantuannak nih hihin Australia cu adaimi le hlawhtlingmi ram siter a bawmh.



THEN THUMNAK

Australia cozah
le phunglam

Australia cozah le phunglam

Rammisinak phungphai ah, Australia phunglam hna itlai le zul dingah chaitserh in bia na kam. Australia cozah ninglam cu parliament he a pehtlai democracy asi. Hi cozah ninglam, kan parliament democracy ah phunglam pawl ser an sining le hruai an sining hngalhian cu na caah abiapi. Ram hruainak he pehtlai rammi pakhat sinak in zeitindah na chimphuan ve lai ti zong abiapi.

Zeitindah ka chimphuan ve hnga?

Meepeknak

Then 2 ah atlangpi in kan chim asi bantukin, Australia ahcun, kum 18 asi cangmi asiloah cung asi cangmi rammi hna nih federal, state le territory thimnak le phungthramlei thlennak kongah zapi meepeknak ah mee pe dingin min an khumh hrimhrim awk asi.

Australia parliament democracy ah, rammi hna nih Australia hruai asi ning he pehtlai parliament ah anmah aiawhtu dingah mi pakhat caah meepeknak in chimphuannak an ngeih. Dik tein man pek na si lo ahcun, thimnak ah mee na pe kho lo.

Meepek cu Australia thimnak ah tuahlo khawh lomi asi, asiloah phungthramlei thlennak kongah zapi meethlaknak a um ahcun, meepek cu tuahlo khawh lomi asi.

Australia Thimnaklei Thiahmi Bu (AEC) cu federal thimnak le zapi meepeknak tuahnak le Commonwealth thimnaklei cazin tlaihnak caah tuanvo ngeimi Commonwealth riantuanpiaktu bu asi. AEC cu cozah in a zalenmi asi. Ramkheel party asiloah cozah minung hna nih AEC biakhiahnak pawl cu a iap kho lo.

Australia ahcun, thimnak ah meepek cu athlinthup mee pek in asi, cucaah a peemi pakhat khat caah meepek cu a zalen i a him. Na pekmi minung kha chimphuan na thim lo ahcun, hohmanh nih mee na pekmi cu theih onh asi lo. Thimnak ah mee na pek lo i meepeklonak aruang tha tein na ngeih lo ahcun, dantetnak ca na liam a hau kho. Pek lo khawh lomi meepeknak cu parliament ah a hruai dingmi le anmah aiawhtu ding he pehtlai chimphuannak minung hna nih an ngeihnak fehternak lam pakhat asi.

Na aiawhtu hna he thil kong ceihhmainak

Australia rammi hna nih cozah polasi kongah an lungretheihnak chim dingah an thimmi aiawhtu cu an pehtlai khawh. Hi lam in, Australiami dihlak hna nih phunglam le cozah polasi he pehtlai chimphuannak an ngei kho. Rammi pakhat nih a thimmi aa aiawhtu kha phunglam thlen a herh a ti ahcun, thimmi aiawhtu nih ruahnakcheuhmi cu a ruahpiak awk asi.

Zeitindah kan cozah ninglam cu kan ser?

Fonhnak

British umhmunkhuarnak hnu le 1901 hlanah, Australia cu athenmi paruk, mahte-in a ukmi British colony uknak in ser a rak si.

Colony ceo nih anmah tein runvennak, pemnak, cakuatnak, chawlehnak le phorhnak he pehtlain phunghram le phunglam hna an rak ngeih. Asinain, hi nih colony hna kerlakah harnak a rak chuahpi. Bianabiaah, colony hna kerlakah chawlehnak le phorhnak cu a man a fak tuk i a khulnuar, cun ramri tannak phunglam thawnter zong a rak har. Athenmi colony hna nih a derthawmmi runvennak ninglam zong an rak ngei.

Aphichuak ah, mipi hna nih mipun pakhat serding ah colony pawl cu fonh an rak duh. Biapi deuh ngaiin, Australia mipun sinak cu ser hram a rak i thok. Zaanglek phu hna nih Australia cu vawlei huap in an rak aiawh i Australiami nunphun cu alarmi hla, biazai, tuanbia le thil dawh serthiamnak pawl ah a hun i chuah.

Miphun pakhat siter cu a harmi rian asi, asinain caan a luan hnuah, Australia mipun pakhat ruahnak cu atak in a hun cang. 1 January 1901 ah, colony hna cu Australia Commonwealth tiah auhmi state fonhnak pakhat ah fonh a rak si.

Australia Phunghrang

Australia Commonwealth Phunghram Phung 1900
(Australia Phunghram) cu Australia cozah caah ahramp phunglam hna a sermi phunglei ca asi. Australia Phunghram cu ahmasa in 1900 ah British Parliament Act pakhat ah phung ser a rak si. 1 January 1901 ah, Australia Phunghram cu a rak nung i Australia colony hna cu a zalenmi mipun ah a cang: Australia Commonwealth.

Australia Phunghram nih Australia Commonwealth Parliament a rak ser i Aiawhtu le Senate Inn a rak zong a ser chih. Phunghram nih Australia Asangmi Biaceih Zung zong a rak ser, cu Australia Asangmi Biaceih Zung nih Australia phunglam hmannak le lehnak nawlgeihnak dihlak a ngeih.

Australia minung hna nih Australia Phunghram cu 1967 ah Milurelnak ah Khua Hlumhmasa hna relchih ding onh dingah 'ka hnatla' tiah Australiami hna chungin zatuk 90 naktam nih an rak tinak Zapi Mee Peknak bantuik Zapi Mee Peknak ah meepeknak in an thlen khawh.

Zapi mee peknak ah, Australia Phunghram thlen khawhnak caah hnarcheu nak tam 'let hnih' (double majority) asi a herh. Cucu State tamdeuh ah meepetu tamdeuh hna le rampi chung dihlak meepetu tamdeuh hna nih an pahnih in thlennak caah bia an khiah himhrim awk asi ti kha asi.



Zeitindah cozah nawlIngeihnak cu tlaihip asi?

Australia Phunghram nih mi pakhat, asiloah bu pakhat nih nawlIngeihnak dihlak tlaihnak kham dingah Phunglamsertu (parliament), biakhiahnak nawlIngeihnak (bianabiaah, Prime Minister le Cabinet) le biaceihnaklei nawlIngeihnak (biaceihthu) hna kerlakah cozah nawlIngeihnak cu a then.

Phunglamsertu nawlIngeihnak

Phunglamsertu nawlIngeihnak cu phunglam sernak nawlIngeihnak kha asi. Parliament nih Australia ah phunglam hna ser le thlennak nawlIngeihnak a ngeih. Parliament cu Australia minung hna nih an thimmi aiawhtu hna in ser asi.

Biakhiahnak NawlIngeihnak (Executive power)

Biakhiahnak nawlIngeihnak cu phunglam hna atak in hmanna ah chaihna kha asi. Biakhiahnak nawlIngeihnak ah a telmi hna cu Prime Minister, Australia cozah minister hna le Uktu-Mangkibawi hna an si. Minister hna cu cozah deparment hna caah tuanvo ngeimi an si.

Biaceihnaklei nawlIngeihnak

Biaceihthu hna nih phunglam leh le hmanna nawlIngeihnak an ngeih. Biaceih zung le biaceihthu hna cu parliament le cozah in a zalenmi an si.

Hi nawlIngeihnak cu Australia Phunghram chungah tial asi.

Hodah Australia State Lubik asi?

Australia Ram i a Lubik cu Australia Siangpahrang, Huham Angeimi Siangpahrang Charles III a si.


Australia Siangpahrang, nih Australia ah amah ai-awhtu kha Haotu Lutlai rian a khinh, cucu Australia Vuanci Nganbik sin in ruahnak cheuhmi a si. Uktu-mangkibawi nih ramkhel party dihlak in zalen tein rian a tuan. Siangpahrang nih acozah ah nifatin tuan ding rian a ngei lo.

Pine kip nih Siangpahrang a ai-awhtu haotu pakhat a um i cucu Haotu Lutlai he aa rian kha aa khat.

Phunghram he a pehtlaimi

Australia cu phunghrampi ningin Siangpahrang nih ukmi a si, a sullam cu Siangpahrang kha Australia Acozah i a Lubik a si, asinain Phunghrampi he aa keih in rian a tuan hrimhrim lai. Siangpahrang cu Australia ah a um lo caah, a nawlIngeihnak pawl cu Australia i Haotu Latlai sinah pek a si.

Australia parliament democracy ninglam nih Australia phunglam bakin British le Chaklei Americami cawhmi phunglam kha a langhter. Australia ninglam ah, Australia Cozah hruaitu cu Prime Minister asi.



Huham Ngei Siangpahrang Charles III

Uktu-Mangkibawi Rian

Uktu-Mangkibawi cu cozah in a zalemi asi i kerlak ah a um hrimhrim peng awk asi.

Uktu-mangkibawi rian pawl hna cu:

- Australia Parliament nih phunglam ah a sermi Bill hna kha minthutnak (Siangpahrang Hnatlaknak tiah auh asi)
- phungphailei rian hna tuahnak
- Australia Cozah rian hna le a minister hna, federal biaceihthu hna le adang bawi hna hnatlakpinak
- Federal thimnak tuahnak thonak
- Australia Runvennak Ralkap Bawizik bantukin riantuannak.

Uktu-Mangkibawi nih cuset kha set timi dirhmun hna ah hman khawhmi 'nawIngeihnak chiahnak' tiah auhmi ahleikhun nawIngeihnak hna zong a ngeih.

Australia Hruaitu cheukhat hna cu mizeidah an si?

State Lubik

Australia Siangpahrang

Uktu-Mangkibawi

Australia ah State Lubik aiawhtu

Uktu

Australia state ceoah State Lubik aiawhtu

Prime Minister

Australia Cozah hruaitu

Premier/Bawibik

State cozah hruaitu

Chief Minister

Territory cozah hruaitu

Cozah minister

Cozah hmunhma caah rian ngeimi siding ah cozah hruaitu nih a thimmi Parliament palai

Parliament palai (MP)

Australia Parliament asiloah state parliament ah mipi aiawhtu thimmi hna

Senator

Australia Parliament ah thimmi state asiloah territory thimmi aiawhtu

Khuapiuktu asiloah Peng President

Tualchung cozah hruaitu

Council Chungtel

Tualchung council thimmi chungtel

Zeitindah Australia cu hruai asi?

Australia Cozah

Australia Cozah cu Federal Cozah asiloah Commonwealth Cozah ti zong auh asi. Cozah cu Australia Parliament in sermi chungtel hna an si, cu nih Inn hnih a ngeih:

- Aiawhtu Hna Inn
- Senate.

Federal thimnak ah, Australia rammimi hna nih Parliament Inn ceo caah aiawhtu hna an thim.

Aiawhtu Hna Inn

Aiawhtu hna Inn cu Australia Parliament ah Inn hna i pakhat asi. Aiawhtu hna Inn a dang min hna cu Tangdeuh Inn asiloah Mipi Inn hna an si.

Australia cu federal thimkhawhnak a ngeimi hna ah then asi. Parliament Palai (MPs) hna nih an thimkhawhnak a ngeimi hna i mipi hna a aiawh hna.

State le territory ceo caah MPs a zat cu cu state asiloah territory ah mipi zat ah hrambunhmi asi. Adihlak ah, Aiawhtu hna Inn caah palai 150 leng thim an si.

Parliament Palai le senator hna nih Australia Parliament ah phunglam thar caah ruahnak hna an0ceihti. Aiawhtu Inn a rian cu phunglam thar caah ruahnak hna asiloah phunglam thlennak kongah ruahti, ceihti i meepek kha asi i miphun he pehtlain biapi kha kong hna ceihhmai kha asi.



Aiawhtu Hna Inn

Senate

Senate cu Australia parliament ah adang Inn asi. Senate cu a caancaan ah Cungdeuh Inn, Zohthannak Inn asiloah State Inn tiah auh asi. State ceo meepetu hna nih Senate ah anmah aiawhtu dingah senate palai hna zong an thim hna. State dihlak hna cu an hmetngan asiloah milu zoh loin Senate ah tlukruan in aiawh an si. Senate palai dihlak 76 a um. State ceo nih senate palai 12 an thim i Australia Khualipi Territory le Northern Territory nih senate palai pahnih ceo an thim.

Senate palai hna nih phunglam thar asiloah phunglam thlennak kongah an ruahti, an ceihti i mee an pek , cun miphun he pehtlain biapi kha kong hna an ceihmai.



Senate

State le territory cozah

Australia ah state paruk le biapi-hmun territory pahnih an um. State cozah ceo nih anmah parliament le phunghram an ngeih. State le territory cozah hna cu an khualipi hna ah hrambunh asi. State cozah hruaitu cu Bawibik (Premier) asi i territory cozah hruaitu cu Chief Minister asi.

Pine acozah pawl nih Australia Aozah he sining aa lo in rian an tuan. Pine pakhat cio ah, Australia Siangpahrang kha Haotu nih a ai-awh. Chaklei Territory ah, hruihruaitu cu Uktu-Mangkibawi nih a kenh. Australia hruihruaitu tuanvo le rian hna cu state Uktu rian he a lo.

Phunghram nih a theipimi covo hna State hna nih an ngeih, asinain Territory nih an ngei lo. State hna nih anmahle covo kongah phunglam sernak nawl ngeihnak an ngeih, asinain mahte in a ukmi territory phunglam hna cu zeitik caan poah ah Australia Cozah nih a thleng asiloah a hrawkthan kho lo.

State le territory thimnak ah, Australia rammi hna nih an hmunhma caah aiawhtu an thim. Hi aiawhtu hna cu atlakmi state asiloah territory parliament palai ah an cang.

Tualchung cozah

State hna le Northern Territory hna cu tualchung cozah khualipi, khua asiloah khuachunguknak tiah auh khawhmi hmunhma hna ah then an si. Hmunhma ceo nih anmahte in tualchung council an ngei. Council hna cu anmah tualchung zatlangbu caah rian pawl timhlamhnak le tuannak caah tavuan an ngei. Tualchung cozah hmunhma ceo ah khuasa rammi hna nih anmah tualchung council chungtel pawl an thim hna.

Cozah level pathum nih zeidah a tuah?

Cozah level pathum kerlakah idannak bik cu, cheukhat rian hna cu a sulhthonh kho ko nain, atlangpi in cozah level ceo nih adangmi rian hna an tuan.

Australia Cozah cu atanglei hna caah tuanvo ngeimi asi:

Ngunkhuaipeknak
miphun chawlehthalnak sersiamnak
pemnak le rammisinak
rian bawmhnak
cakuatnak rian le biakchawnhnak network
zatlang hunhimnak (pension le innchungkhar bawmhnak)
runvennak
chawlehnak le chawhrawnak
vanlawngbual le van himnak
ramdanglei kongkau (ramdang he pehtlaihnak)

State le territory cozah hna cu ahrampi in atanglei caah tuanvo a ngeimi an si:

sizung le ngandamnak rian
 Sianginn
 lamsul le tlanglawng lam
 thingram zohkhenhnak
 palik le mizaw phorhnak rian
 zapi phorhnak

Tualchung cozah (Australia Khualipi Territory Cozah) hna cu atanglei hna caah tuanvo ngeimi an si:

lam hmelchunhnak, lam tlaihnak
tualchung lam, kekalnak lam, hlei
Tilam
pangpar dum, celhnak tual, tilionak, zaangleknak tual
riahnak tual (camp tual) le khualtlawnnak mawtawka dinhnak
eidin le sa zohkhenhnak
hnachehnak le saram tlaihipnak
hmunthur khawmhnak
tualchung caruk, innkhan nganpi le zatlangbu inn
hngakchia zohkhenhnak le tar zohkhenhnak kongkau
innsaknak nawlpeknak
zatlangnun timhhlamhnak
tualchung pawngkam kongkau.

Australia i hruaining ah ze rian dah ramkheel party hna nih an tuan?

Ramkheel party cu ram pakhat hruaining kongah alomi ruahnak pawl a hrammi bu pakhat kha asi. Party ruahnak pawl phunglam ah thlen dingah hmunkhat ah rian an tuan. Australia ah abiapibik ramkheel party hna cu Australia Labor Party, Australia Liberal Party, National le Australian Greens hna an si.

Parliament palai tambik hna cu ramkheel party minung an si. Micheu cu ze ramkheel party hmanh an si lo, cu hna cu pumpak tiah auh an si.

Australia ahcun, minung hna nih an duh ahcun ramkheel party ah an lut kho.

Australia Cozah cu zeitindah ser asi?

Federal thimnak hnuah, Australia Cozah cu atlangpi in party asiloah Aiawhtu hna Inn i palai tamdeuhmi party hna he a fonhmi hna nih an ser. Hi party hruaitu cu Australia Cozah hruaitu: Prime Minister ah a cang.

Federal thimnak hnuah, party asiloah Aiawhtu hna Inn i palai hna i apahnihnak tambik asimi party a fonhmi hna nih Ralchanhnak phu an ser. An hruaitu cu Ralchanhnak Phu Hruaitu tiah auh asi.

Prime Minister nih Aiawhtu Inn palai asiloah Senate palai hna cu Australia Cozah ah minister si dingah a chimfak hna. Uktu-Mangkibawi nih Prime Minister le minister hna rianpeknak cu hnatlaknak a tuah.

Cozah minister hna cu cozah hmunhma (vuanci rian), rian, Tlangcungmi Tawltrethu Phu (Indigenous Affairs) asiloah Phaisa Kong Tawltrethu Phu tibantuk caah tuanvo ngeimi an si. Abiapi bikmi vuanzi rian a ngeimi minister hna nih Vuanzibu (Cabinet) an ser, cu hna cu abiapi bikmi biakhiahnak a sertu cozah bu an si.

Zeitindah phunglam hna ser an si?

Australia Parliament nih miphun thathnemnak caah Australia phunglam hna ser asiloah remhnak nawlgeihnak a ngei.

Australia Parliament palai pakhat nih phunglam thar serawk a chuahpi asiloah a um ciami thlending a chuahpi ahcun, hi ruahnak chuah pimi cu 'phunglam serding chuahpimi' tiah auh asi.

Aiawhtu Inn le Senate nih phunglam serding chuahpi kongah an ruah, ceih i mee an pek.

Parliament Inn ceo ah pali hnarcheu naktam nih Phunglam Serding Chuahpimi cu an hnatlak ahcun, Uktu-Mangkibawi sinah chuahpi asi.

Uktu-Mangkibawi nih min a thut i phunglam ah a cang. Hihi 'Siangpahrang Hnatlaknak' tiah auh asi.

State le territory parliament hna nih a lo in anmahle an phunglam hna cu an ser.



Zeitindah phunglam hna cu fehter an si?

Biaceihnak Zung

Australia ah biaceih zung hna cu a zalenmi an si. Biaceih zung nih mi pakhat nih phunglam a buar maw buar lo ti le dantetnak pek le pek lo kha biachahnak a ser lai. Biaceihzung hna nih an hmaika tette cung lawnglawng ah an biachahnak cu hram an bunh khawh.

Biaceihthu hna le Biaceihtubawi hna

Biaceihthu asiloah biaceihtubawi hna cu biaceih zung ah asangbik nawlgeitu an si. An nih cu a zalenmi an si i hohmanh nih biakhiah dingmi chimh khawh an si lo.

Biaceihthu le biaceihtubawi hna cu cozah nih an khenh hna, asinain cozah nih an biakhiahnak he hnattak lo asi ahcun, an rian in an phuak kho hna lo.

Biaceihtubu hna

Australia biaceih zung ninglam ah, minung hna cu biaceih zung ah an sulanak hmuh asi hlanlo cu a sual lomi ah ruah an si. Mi zeipoah nih biaceih zung ah biaceihpiaktu sihni nih aiawhpiaknak covo an ngei.

Biaceihzung nih cheukhat case kongah mi pakhat nih phunglam a buar ahcun biaceihtubu a hman lai. Biaceihtubu rian cu biaceih zung ah mipakhat cu a suallo asiloah a sual tiah biakhiah kha asi. Biaceihtubu cu zaran mipi sinin thleidannak um loin thimmi zaran Australia rammi phu pakhat kha asi. Biaceihthu nih biaceihtubu sinah phunglam kha a fianter. Sualnaklei biaceih zung biahalnak ah, biaceihtubu nih mi pakhat cu a sualnak an hmuh ahcun, biaceihthu nih dantetnak a tuah.

Palik

Palik nih daihnak le nawlpeknak kha zatlangbu chungah a tlaih. Nunnak le thilri humhak cu an rian asi. Annih cu cozah in a zalenmi an si. Palik nih mi pakhatkhat nih phunglam a buar ti an zumh ahcun, an tlaih khawh hna i phunglam biaceih zung ah an chuahpi khawh hna. Palik nih biaceih zung ah tette an pek khawh, asinain mi pakhat a sual le sual lo cu biaceihzung nih biachahnak a tuah.

State le Noerthen Territory hna nih anmahle palik ralkapbu an ngeih. State le territory phunglam tangah sualnak cu an tawlrel.

Australia nih Australia Federal Palik (AFP) tiah auhmi miphun palik ralkapbu an ngeih. AFP nih federal phunglam a ralchanhmi sualnak hna cu an hlathlai, bianabiaah, rithaisii cawkuarnak, miphun hunhimnak ralchanh in sualnak le pawngkam ralchanh in sualnak hna. AFP cu Australia Khualipi Territory ah palik zapi riantuannak caah tuanvo ngeimi asi.

Palik le zatlangbu nih Australia ah pehtlaihnak tha an ngei. Sualnak hna cu na theihter khawh i na umnak hmun palik sinin bawmhnak na hal khawh.

Australia ahcun, palik ziknawh pek cu sualnak taktak asi. Palik bawi sinah ziknawh tuah duhnak langhter hmanh sual asi.

Australia ah sualnaklei nawlbuarnak hna

Australia ah phunglam hna hngalh cu na caah abiapi ngaingai. Na theih lomi kongah Australia phunglam na buar ahcun, sualphawh khawh na si, theih lo ruangah ngaihthiam a um lo.

Sualnak fak bik cheukhat hna cu lainawn, thuat, chiathalei thuatnak, minung asiloah thilri ralchanh in zaangennak, hriamnam lakin ramh asiloah fir, ngakchia asiloah phunglei hnatlaknak kum tangah a ummi mino minung hna he nupa-diriamnak tuah, mawtawka tihnung in khelh, phunglutlo rithaisii ngeih le hlenthawi hna an si.

Mivialte hna nih an innchungkhar, an hawi le an dawtmi hna he athami le ahimmi pehtlaihnak hmuhtonnak covo an ngei. Ram dang bantukin, mi dang sinah zaangennak tuah cu Australia ah phunglut lo asii a fakmi sualnak asi. Hi ah a telmi hna cu innchungkhar chung le nuva kerlak chungah zaangennak, innchungkharlei asiloah innchung zaangennak timi hna an si. Innchungkharlei le innchungkhar zaangennak ah a telmi hna cu nu/va pakhat khat tihnak chuahternak asiloah an himnak tlerhnak in tlaihip a timmi ziaza asiloah tlerhnak kha asi. Chungkhar le innchungkhar zaangennak ah thongh/vuak, hawikom le innchungkhar in innchungkhar chungtel adang teah chiah, asiloah ngakchia asiloah inzuat satil hna tlerh hna a tel kho.

Hi sualnak pawl a tuahmi minung cu nu asi ah asiloah pa asi ah, thong ah a phan kho. Mizei hmanh nih chia ngaiin tuahto le father cu cohlan awk asi lo.

Nangmah asiloah mi pakhatkhat na hngalhmi cu tihunnak ah a um ahcun palik na pehtlaih hna awk asi. Tamdeuh theihhngalhnak cu kahin a ngah www.respect.gov.au le www.1800respect.org.au

Lam nawlbuarnak hna

Lam le lam phung hna cu state le territory coza hna nih an tlaih. Lam phunglamhna buar ruangah minung hna cu dantet asiloah thong thlak khawh an si. Australia ah mawtawka khalh nakding ah, tualchung khalhnak laisen na ngeih hrimhrim awk asi i mawtawka cu minkhumhmi asi hrimhrim awk asi.

Mawtawka in khualtlawngmi poahpoah nih thutna-taisawm an i an i hruk hrimhrim awk asi. Bawhte le hngakchia hna cu hnatlakpimi mawtawka thutnak ah an thut hrimhrim awk asi. Lam phunglam hna cu a felfai ngaingai. Rithaisii hman hnuah mawtawka khalh asiloah zu rikhihmi thi na lonh ahcun phunglut lo asi. Mawtawka khalh lioah mobile- phone hman cu phunglam ralchanh asi.



THEN LINAK

Australiami man hna



Australiami man hna

Zalonnak, upatnak, dingthlunkak le caantha tlukruannak ah hrambunhmi Australiami man hna cu kan mibu a himnak, hlawhtlinnak le adaimi hmun ah a nunnak tlaihpengnak ah abiapi bikmi asi.

Kan man hna nih kan ram a langhter i a muisam a ser, cu ruangah mi tampi hna nih Australia rammi si an duhnak asi.

Australia rammisinak cu nifatin na nunnak ah le na khuasaknak zatlangbu ah hi man hna nunpi kha asi. Cucaahcun, Australia minung dihlak hna upat, ihrawm ding le itlaih dingah iruahchan an sinak man hna na hngalhdng kha abiapi ngaingai.

Kan man hna

Phunglam zulhnak ah ipeknak

Australiami dihlak hna cu kan phunglam le phunglut ninglam nih a humhak hna. Australiami hna nih adaimi le a ningcangmi bu siter pengnak ah phunglam abiapitnak an theihpi.

Phunglam Zulhnak tangah, Australiami dihlak hna cu phunglam he pehtlaihnak tangah an i tlukruang dih, mi zei asiloah bu hmanh phunglam cungah um a ngah lo. Australia ah, Mivialte hna nih phunglam cu an zulh awk asi i zeitik caan hmanh ah an buar awk asi lo, cu ti asi lo ahcun, dantetnak na ing lai. Hohmanh nih an in zoh lohmanh ah, phunglam cu na zulh awk asi.

Australia phunglam hna cu Australia ah a ummi dihlak caah hmanh asi. Hi nih a sawh duhmi cu na hnukham asiloah nunphung zoh loin, Australia phunglam hna cu na zulh hrimhrim awk asi.

Parliament he a pehtlaimi democracy uklak

Australia cozah ninglam cu parliament he a pehtlaimi democracy asi. Kan phunglam hna cu mipi nih thimmi parliament nih an ser. Hi nih a sawh duhmi cu Australia rammi hna cu kan ram hruai ning ah an i tel ti kha asi. Cozah nawlgeihnak cu Australia minung hna sinin a ra, aruang cu parliament ah anmah aiawh dingah minung hna an thim hna.

Australia ah meepek cu tuah lo khawh lomi asi. Hi nih thimnak ah itelnak abiapitnak kha a langhter.

Holh zalonnak

Australia ah mipi hna nih an ruahnak hna cu phunglam chung ah a um chung poah cu zalong tein an langhter khawh. Australia ah mipi hna nih zatlangnun asiloah ramkheel caihmmainak caah zapi asiloah pumpak hmun hna ah zalong tein tonpumhnak an tuah khawh. Zalong tein zei kong an ruahmi poah an chim, tial khawh i midang he zong an ruahnak cu an i ceihhmai khawh. Thawngthanh ca,tv le radio thawngthanhnak hna nih a khatmi zalonnak an ngeih.

Australiami hna cu cozah cawlcanghnak ralchanh in dai tein duhnak langhternak tuah onh an si, aruang cu adaimi zapi duhnak langhternak inkhawhnak cu democracy uknak muru pakhat asi.

Mi dang asiloh mi mi bu (an nunphung, miphun, biaknak asiloah hnukham) ralchanh in zaangennak kaiter cu cohlanhkhawhmi asi lo, aruang cu Australia man le phunglam ralchanh asi. Adiklomi puhnak asiloah midangkha phunglam buarding ah thazangpek cu phunglut lo asi. Midang holh zalonnak le langhternak zalonnak cu phunglut asi chung poah, upat ding hrimhrim awk asi.

Zalonnak bu

Phunglutmi zatlang bu, ramkheel party, chawlehnakbu, biaknaklei, nungphunglei asiloah zatlang bu tibantuk poahpoah ah minung hna nih zalong tein luh khawh asi. Pumpak hna cu bu pa khatkhat ah luh dingah hnek khawh an si lo i chuah ding zongah hnek khawh asi lo.

Australiami hna cu cozah cawlcanghnak asiloah bu pakhatkhat cawlcanghnak ralchanh in duhnak langhternak telh in, midang hna he zalong tein an i pum kho. Asinain duhnak langhternak cu phunglam chungah asi hrimhrim awk asi. Hi nih a sawh duhmi cu adaimi duhnak langhternak asi hrimhrim awk asi i mi pakhat kha an hlaimh asiloah thilri kha an hrawh awk asi lo.

Biaknak zalonnak

Australia nih cozah khiahmi miphun biaknak a ngei lo i Australia ah a ummi minung hna cu an i thimmi biaknak zulh dingah a zalongmi an si. Cozah nih rammi dihlak hna cu, an biaknak asiloah zumhnak zei a va si ah, tlukruang tein a tawrel hna. Asinain, biaknak hmannak hna nih Australia phunglam hna cu a buar hrimhrim awk asi lo.

Biaknak phunglam in a dangmi hmun telhchih in Australia phunglam cu Australia ah a ummi vialte nih an zulh hrimhrim awk asi. Cheukhat biaknak asiloah nunphung hmanmi hna, nu pakhat naktam nupi ngeih (caancaan khat ah nupi pakhat naktam ngeih) le hnekchomthitumnak tibantuk hna cu Australia ah phunglam he a ralchanmi asi i thongthlagnak telh in afakmi dantetnak hna pek khawh asi.

Australia mibu chungah biaknaklei inkhawhlonak cu cohlanhkhawhmi asi lo. Mipi dihlak hna cu an miphun asiloah biaknak zoh loin an itinhmi le lungduhnak zuldaw dingah Australia phunglam an zulh chung poah cu atlukruangmi caantha pek awk an si.



Phunglam tangah mipi dihlak tlukruannak

Australia mibu nih minung dihlak hna i atlukruangmi covo cu, nu le pa sinak, chiatha idannak, kum, pumtlinlonak, biaknak, phun, asiloah miphun asiloah kokek chuahkehnak zoh loin, man ah a chiah. Midang sinin mi pakhatkhat adangin tuahto/tinak a humhakmi phunglam hna tampi Australia ah an um.

Adangmi hnukham in arami minung hna cu duhdeuhnak he tuahtonak pek an si nakhnga lo le ralchanh in thleiden an si nakhnga lo phunglam cu Australia ah hman asi. Bianabiaah, Khrihfa hna bantukin, Buddhist hna le adang biaknak dihlak mipi hna nih a khatmi tuahtonak an hmuh. Phunglam tangah, pa pahnih asiloah nu pahnih kerlakah thitumnak telhchih in, minung pahnih hna cu pakhat le pakhat an thium kho.

Pa le nu hna nih Australia ah atlukruangmi covo an ngeih i an i tinhmi le an lungduhnak hna zulhdawi dingah tlukruannak caantha pek an si. Nu le pa an pahnih in fimcawnnak le rian ah atlukruangmi luhnak an ngei i thimnak ah mee an pe kho i parliament caah an dir kho, cun Australia Runvennak Ralkapbu le palik bu ah an lut kho i phunglam biaceihzung ah tlukruang in tuahto an si.

Nulepa an sinak ruangah mi pakhatkhat ralchanh in thleiden cu phunglam ralchanh asi. Australia ah, nu caah athadeuhmi itlaknak le thiamnak a ngeih ahcun, pa nakin rian hmuhkhawhnak covo a um.

Pa he nu he thitumnak le biaknak tibantuk, pumpak kongah a zalenmi anmah duhthimnak tuahnak covo an ngei i phunglam nih thihphaihnak asiloah

zaangennak in a humhak hna. Nupi/va asiloah kawp ralchanh in pumlei zaangennak cu cohlankhawhmi asi bal lo i cucu Australia ah sualnak nawlbuarnak asi.

Nuleva thennak cu Australia ah cohlan asi. Adang va/nupi nih thitumnak pehzulh a duh hmanh ah va asiloah nupi nih biaceih zung ah thennak caah a sok khawh.

Caantha le 'atlukruangmi caantha' tluakruannak'

Mivate hna nih 'dingthluknak' an itlak i mipi hna cu sining idannak phun pakhatkhat nih ri a khiah hna awk asi lo. Mivialte hna cu, an hnukham zoh loin, nunnak ah hlawhtlinnak hmuhco ding le Australia mibu chungah mivialte nih a khatmi phunglut covo an ngeihmi cu dingthluknak abiapimi kap pakhat asi.

Nunnak ah mi pakhatkhat nih a hmuhmi hlawhtlinnak cu an zuanmi rian le pahrang in a chuakmi asi awk asi. Hi nih a sawh duhmi cu mi pakhat nih nu le pa an sinak, rumnak asiloah miphun sinak ruangah si loin, an thiamnak le hmuhton ah hrambunh in rian a hmuh awk asi.

Bu pakhat nih rian pakhat nih rianpek a herh tikah, phunglam nih an rian caah athabik thiamnak le hmuhton a ngeimi minung thim dingah a onh hna.

Australia ah mipeem thar tampi hna cu chawlehnak, an thiamnak, an thilser thiamnak, zapi rian le zaangleknak hna ah rian an i zuamnak le an chawlehnak rian thawngin hruaitu ah an cang.



Midang caah hrawmtonh upatnak le inkhawhnak

Australia ah, pumpak hna nih midang zalonnak le limhang, cun an ruahnak le duhthimnak hna cu an upat hrimhrim awk asi.

Bia le pumlei volhpamhnak telh in, zaangennak poahpoah cu phunglut lo asi. Australiami hna nih adaimi lungkhahlonak an zumh i cupinah zaangennak le thihphaihnak in ahimmi le azalongmi sinak covo an ngeih.

Australia ah, nu le pa sinaklei hnatlaknak kum kongah a felfai ngaingaimi phunglam an um, cucu na umnak state asiloah territory ah hngat in kum 16 asiloah kum 17 asi. Bianabiaah, Australia ah, kum 20 asimi panih kum 15 simi nu he nu le pa sinak pehtlainnak ngeih khawh asi lo, aruang cu Australia state le territory hna ah a ummi phunglam ralchanh asi.

Australia ah, palik phungning cawlcanghnak cu upat awk asi. Palik sinin phungning nawlnak na ngaih/zulh awk asi, aruang cu phunglam zulhnak ah Australiami dihlak an ipe.

Australia nih hrawmtonh upatnak le inkhawhnak phung hna cu man ah a chiah. A sawh duhmi cu nangmah hmuhning le ruahnak in an hmuhning le ruahnak a dan hmanh ah, midang bia ngaihpaiak i an hmuhning le ruahnak hna upat kha asi. Mipi hna nih an hnatlaklonak an hmuh tikah pakhat le pakhat inkhawhnak an ngeih awk asi.

Australia ah miphun thleidannak nih hmun a ngei lo. Hi nih a telhmi hna cu internet asiloah adang cachuahnak ah miphun lei serhsatnak thil sernak asiloah hrawmhchinnak le zapi hmun asiloah zaangleknak puai ah miphun volhpamhnak kampau (comment) tuahnak hna an si.

Kan zatlangbu

Pekchanhnak tuahnak

Rammisinak nih kan miphun nunnak le zatlangbu ah tling tein itel dingah caantha an pek. A sullam cu Australia rammi pakhat sinak in tling tein na tuanvo tlinter dingah timhcia na si tinak asi. Australiami nih Australia ah khuasa mi vialte hna mibu chungah an itel i zatlangbu ah an ipekchanh kha an iruahchan. Mivialte hna nih cu bantukin an buah khawh tikah anmah le an innchungkhar caah zuam ding le bawmh dingah tuanvo an ngei.

Hartong hna caah zaangfahnak

Australiami hna nih 'hawikomsinak' man ah an chiah.

Harnak caan ah pakhat le pakhat kan ibawm. Bianabiah, innpa tar-upa hna sinah rawl pek, silei tonnak caah hawikom mawtaw khalhpiak, asiloah a zawmi, aderthawmmi asiloah a lilengmi mi pakhatkhat va len hna zong asi kho.

Hi hawikomsinak lungthin in, Australia nih zatlangbu riantuanpiaknak le pakhat le pakhat caah i pek i zatlangbu thawnternak athawngmi nunphung a ngeih. Mahlungtho tein tuahtuannak cu theitlei hrawmhnak, thiamnak thar cawnnak le na pumtling sinak thanchoternak le Australia zatlangbu ah a telmi sinak hngalhnak caah aliannganmi caantha asi. Australia ah mahlungtho tein tuahtuannak caantha na caah tampi a um.

Mirang holh cu rampi holh asi

Australia mibu nih Mirang holh cu Australia miphun holh le abiapimi mibu hrampi pakhat siternak ah a chiahn. Australia ah khuasami minung hna nih Mirang holh cawnnak ah thazaang an chuah awk asi.

Mirang holh cawn cu abiapi ngaingai aruang cu fimcawnnak, rian hmuh a bawmh i le zatlangbu chungah athadeuhmi pumtling a siter. Chawhlethlnak itelnak le zatlang pehtlaihna caah Mirang holh cu abiapi. Australia rammisinak ca a sokmi hna nih Mirang holh cu an chuahkehnak holh asi lo ahcun, cawn dingah atlakmi zuamnak an buah hrimhrim awk asi.

Kan mibu himter pengnak bawmhnak

Australia ah, Australia mibu humhak bawm dingah tuanvo kan ngei ceo. Bianabiaah, Australia ah minung hna nih an hawikom asiloah innpa hna nih afakmi sualnak buah an itimh tiah an lunghrinh hna ahcun, a ran khawh chungin Australia cozah nawlgeitu hna sinah an theihter awk asi. Hi lam in, kan mibu himnak humhak kan bawmh khawh.

Aloin, Australia ah mi pakhat nih ngakchia ningcang loin buahmi a hmuh asiloah a hngalh ahcun, hlathlai dingin palik sinah an theihter awk asi.

Online volhpamhnak cu Australia ah cohlan asi lo. Hihi zeimaw caan ahcun cyber volhpamhnak tiah auh asi. Bianabiaah a telmi hna cu hnatlaknak um lin chiatha lei hmanthlak asiloah video hna online ah hrawmh, online ah mi pakhatkhat pel, asiloah online ah mi pakhatkhat kongah miphun lei thlanglamhnak kampau tuahnak hna an si. Cyber volhpamhnak phun tampi hna cu Australia ah phunglut lo asi.

Australia caah zumhawktlaknak

Australia rammi hna nih adang ram pakhatkhat asiloah ram dang hna rammisinak zong an ram phunglam nih a onh ahcun, an ngeih khawh. Hihi ram-hnih, asiloah ram-tampi, rammisinak tiah theih asi. Asinain, mi pakhat cu adang rammi asi hmanh ah, Australia rammi nih cun Australia chungah zeitik caan hmanh ah Australia phunglam dihlak cu a zulh hrimhrim awk asi. Cheukhat Australia phunglam hna cu Australia rammi hna nih ramleng an um tik zongah an zulh hrimhrim awk asi. Bianabiaah, kahin asiloah ramleng ah kum 16 tang ngakchia he nupa sinak tuahnak pakhatkhat ah Australiami hna i tel cu phunglut lo asi.

Australia mibu cu Australia lungduhnak le hunhimnak hramphelh loin kan ihrawmmi tuanvo hna ah a hngatmi asi. Bianabiaah, cozah zunglei biathlithut hna social media hmang in hrawmh cu Australia lungduhnak hramphelh asi. Aloin, zumhlonak le miphunlei mibu pakhat tihnak kaiternak nih Australia mibu pehtlaihna a hrawh khawh.

Australia ahcun, harnak caan ah hmunkhat ah kan i bawm i caan tha le caan chia ah pakhat le pakhat kan i zohkhenh. Nunnak, thilri zatlakpuicimhnak, ram kanghnak, le pawmngkam rawhralnak a chuahtertu afakmi Australia ram kanghnak 2019-20 khuacaan lioah, ram kanghnak nih a hnursuanmi mipi hna bawmhnak caah nunphung-tampi acawhmi zatlangbu hna nih phaisa, thilpuan le eidin pekthenhnak kholhnak rian an tuan. Bianabiaah, Victoria ah China, Vietnam le Cambodia mi zatlangbu hna chungtel hna nih thilcawknak hmun hna ah pekthenhnak an kholh i tualchung zatlangbu phu puai hna in phaisa an kaw, cun Sikh zatlangbu chungtel hna nih Queensland i zatlangbu hna le meithatu hn sinah ti dur a thongthong in an pekthenh hna.



Donghnak

Kan democratic phunglam hna le kan ihrawmmi Australiami man hna nih adaimi le a fekfuanmi mibu kha a ser.

Arummi le adangmi nunphung hrawmding kan ngei. Australia rammi pakhat sinak in, nangmah cu kan mipun tuanbia ah na tel lai i kan hmailei caah na pechan lai. Australia nih an don. Rammisinak cu kan ihrawmmi fonhtu/temtu asi.

Hneksakkhawhmi buthen sullamfianternak

Aboriginal le Torres Strait Islander minung hna

Aboriginal le Torres Strait Islander minung hna cu Australia vawlei ah khuasa hmasami hna an si.

Australia Khua Hlumhmasa hna le Torres Strait Islander minung hna cu Australia milu zatuak pathum hrawng an si.

Australian Nuhrin Covo Phu

thleidannak le nuhrin covo buarnak kongah vuivainak a hlathlaimi a zalenmi Riantuanpiaknak Phu

Miphun thleidannak a kannak cu Australia Nuhrin Covo Phu sinah theihter khawh asi.

Australia Zapi Rian

cozah department hna le cozah nih rianpekmi minung hna

Australia Zapi Rian ah Paul nih Australia Rian hna i riantuantu pakhat bantukin rian a hmuh.

ramchung buainak

mi tampi hna duhlonak langhternak le mibu hnahnawhnak nih cozah biakhiahnak asiloah a polasi ralchanh in cu hlan bantukin duhlonak an langhter.

Cozah nih zapi duhlomi phunglam hna a rak ser tikah ramchung buainak a rak um.

Hmun Khat Ifonhnak

ramkheel party pahnih asiloah tamdeuh hmun khat ah ifonhnak nih hlan bantukin cozah asiloah dohkalhtu bu a ser.

Thimnak hnuah, Aiawhtu Innpi ah hnarcheu naktam a tlingmi party an rak um lo, cucaah a lomi ruahnak a ngeimi party pahnih hna cu hmun khat ifonhnak ser dingah an fon.

rianthiahmibu

coza theihpimi tuanvo a ngeimi bu

Azalenmi rianthiahmibu nih thimnak a ser.

Phunghram

cozah nih a zulh hrimhrim awk asimi Australia phunglam sangbik

Phunghram nih phunglam sertu, biachahnak tuahtu, le biaceihnakei nawlIngeihnak hna kha a serthok.

siangpahrang uknak phunghram

siangpahrang asiloah siangpahrangnu state lubik a sinak ram ah, a nawlIngeihnak hna cu Phunghram nih ri a khiah.

Kan Phunghram nih Australia Commonwealth cu siangpahrang uknak phunghram ah a ser i United Kindom Siangpahrang asiloah Siangpahrangnu cu kan State Lubik asi.

Biaceih zung

baiaceihntu asiloah biaceihbawi nih phunglei case kong hna a theihnak hmun

Minung nih phunglam a buar tiakah biaceih zung ah a phan kho.

sualtuahtu biaceihzung chuahpinak

mi pakhat cu misual asiloah sualnak tuahtu asi ti biachah dingah biaceihzung nih thil dik ngaihnak

Misual biaceih zung chuahpi hnuah, bank ramhtu cu thong ah kuat asi.

cyber volhpamhnak

fahter ding tinhnak he mi pakhatkhat thlerh, thihphaih, muaitam asiloah ningzahter dingah sehfimthiamnak (technology) hmangmi ziaza

Cyber volhpamhnak phun tampi hna nih Australia ah phunglam hna a ralchanh.

democracy

mipi thimmi aiawhtu hna in mipi hruaimi cozah

Grace cu a parliament ah a aiawhtu a thim khawhnak democracy hmun ah khuasa cu a rak i nuam.

chungkhar le innchungkhar zaangennak

tihnak chuahter asiloah an himnak thlerhnak in kawp pakhat tlaihip a timmi ziaza asiloah thlerhnak

Chungkhar le innchungkhar zaangennak cu Australia ah phunglam ralchanh asi i palik sinah theihter awk asi.

rithaisi cawkzuarnak

phungning loin rithaisii phurh asiloah zuar

Jess cu rithaisi cawkzuar ruangah thong ah tlak a rak si

Thimnak

parliament ah rammi hna nih anmah aiawh dingah an thimnak ningcang

Australia rammi kum 18 asi cangmi asiloah cung hna nih thimnak mee an pek hrimhrim awk asi.

thimnak cazin

thimnak asiloah zapi meepeknak ah meepe dingah minpemi cazin

Jan cu meepeknak hmun ah a rak phak tikah, zunglei tuanvongeitu hna nih thimnak cazin ah a min an kawl.

thimkkhawhnak hmun

Peng nih Aiawhtu Innpi ah ramkheeltu hna thim dingah meepetu hna chungin a thim.

Thimkhawhnak hmun hna cu peng, ramkulh, asiloah thutnak thimkhawhnak hmun tiah auh asi.

Tlukruannak

sinak ah ikhahnak

Australiami hna nih minung dihlak tlukruannak a zumh.

mipi hna nih phunglam an zulhnak fehter chin dingah

phunglam thawnter

Palik nih phunglam an thawnter i daihnak kha an tlaih.

biachahnak nawlungeihnak

phunglam hna tuahnak nawl le nawlungeihnak, Australia Phunghrampi tangah nawlungeihnak pathum chungah pakhat asi.

Australia Cozah minister hna le Uktu-Mangkibawi hna nih Australia Parliament nih a sermi phunglam tuahtonak biachahnak nawlungeihnak an ngeih.

Tlukruannak

mivialte hna cu, an hnukham zoh loin, nunnak ah hlawhtlinnak cohmuah dingah atlukruangmi caantha pek an si.

Australia ah, mivialte hna cu ' atlukruangmi tuahtonak' atlakmi an si.

Fonhnak

nawlungeihnak taktak a tlaihip colony hna he mipun pakhat ah a fonmi colony fonhnak

1901 ah, colony hna cu a fonhmi Australia Commonwealth tiah auhmi ah an i fon.

Ahmasabik Tilawng

captain Arthur Phillip hruainak in Britain in New South Wales ah misualmi umkhuarnak ser dingah tilawng bu 11 hna cu an i thawh.

Ahmasabik Tilawng cu 26 January 1788 ah Syney Cove ah a phan.

hmelchunhnak pangpar

Miphun pangpar

Australia hmelchunhnak pangpar cu gloden wattle pangpar asi.

hnekmi thitumnak

nuva khuahkhat asiloah khuahhnhn hna nih zalongmi thimnak an ngeihlonak thitumnak

hnekchommi aa thitumnak kongah a rak i nuamh bal lo i kaltak a rak duh peng.

atu caan in hmailei caan tiang

atu in hmailei caan tiang

Australia rammisinak phungphai ah, hi caan in hmailei caan tiang zumhawktlak ka si lai tiah biakamnak na ser.

milem (Icon)

minthang milem

Laamnak innpi cu minthang Sydney icon asi.

Tlangcungmi

Australia Aboriginal le/asiloah Torres Strait Islander minung hna

Australia tlangcungmi hna cu hi ram ah Mi Hmasa hna an si.

pumtlingisernak

mipeem hna nih an mibu thar ah an itel khawhnak le an ipekchanh khawhnak caah hmannak/cawnnak ningcang

Caan tampi hnuah, mipeem hna nih an pumtlingisernak in Australia le tualchung zatlangbu chungah thathnemnak an hmuh.

biaceihnak phunglam

phunglam lehnak le hmannak ah nawl le nawlIngeihnak cu, Australia phunghram tangah a ummi nawlIngeihnak pathum ah a telmi pakhat asi.

Australia ah baiceihzung hna nih biaceihnaklei nawlIngeihnak an ngeih.

phunglamsernak nawlIngeihnak

phunglam sernak le thlennak ah nawl le nawlIngeihnak cu, Australia Phunghram tangah a ummi pathum ah a telmi pakhat asi.

Phunglam tangah, Parlaiment nih phunglamsernak nawlIngeihnak a ngeih.

zalonnak hna (zalonnaknak)

pumpak zalonnak le zalennak

Kan democratic mibu chungah, mipi hna nih holh zalonnak, langhternak zalonnak, biaknak zalonnak le bu zalonnak an ngeih. Hi zalonnak hna cu man ah kan chiah.

Biaceihtubawi

tangdeuh biaceih zung biaceihu

Biaceihu bawi nih mifir cu misual ah a hmuh i thong ah a kuat.

hawikomsinnak

midang sinin bawmhnak le bawmhnak hmuhnak, ahleikhun in harnak caan ah

Ka mawtaw a rawh tikah, midang mawtaw khaltu nih hawikomsinnak lungthin in nam a ka bawmh.

ram hlapi

ram hla

Australia ram hlapi cu ‘Australia Tlukruang In Thangcho Ko Seh’ ti asi.

parliament democracy

rammi hna nih parliament ah aiawhtu caankel thimnak ah hrambunhmi cozah ninglam

Parliament democracy ah, mipi hna nih an aiawhtu hna caah mee an pek.

ramkheel party

Zeitindah ram hruai awk asi ti le caankel in thim dingmi hna kongah ruahnak a khatmi aa hrawmmi minung bu

Ramkheel party chungtel hna cu caandik in an i tong, bianabiaah, zapi phurhnak thanchonak caah ceihhmai.

Miphun Thleidannak

mi pakhatkhat cungah an miphun, miphun lei asiloah chuahkehnan hmun ruangah ruat satsai loin ruahnak rak ngeih chung, thleidannak, tuainamnak asiloah dengteo in huatnak

Miphun thleidannak cu Australia ah phunglam ralchanh asi i palik sinah theihter awk asi.

zapi meethlaknak

australia Phunghram thlennak ca ruahnak chuah pimi kongah meepetu dihlak meepeknak

1967 zapi meethlaknak ah, milurelnak ah Aboriginal minung hna cu relchih dingin mipi nih mee an rak pek.

aiawhtu

midangc aah riantuantu asiloah biachimtu

ka umnak council aiawhtu nih ka ruahnak a duh i council tonpumhnak ah a langhter.

upatnak

mi pakhatkhat cu minung ah relruahnak langhter, asiloah biachahnak an sermi caah ruahpiaknak langhter.

Emily cu Buddhist si dingah aa biakhiahnak cu a innchungkhar an upat khawh caah a nuam.

Australia Riantuanpiaknak

silei-zohkhanhnak, Centrelink, le Hngakchia Bawmhnak in ngandamnak, zatlang nun le ngandamnak manpeknak le tuahpiaknak phunphun a pemi Australia Cozah bu

Australia Riantuanpiaknak nih Centrelink le adang riantuanpiaknak in manpeknak a bawmh.

Phunglam Zulhnak

minung dihlak, rammi hna le cozah telh in, hna cu phunglam nih a tlaih dih hna

Australia ah mivialte, Prime Minister telh in, hna cu Phunglam Zulhnak tangah Australia phunglam hna nih a tlaih dih hna.

thlithup mee (secret ballot)

a thli tein mipi hna nih mee an peknak hmun ninglam kha asi, cucaah hohmanh nih cu lam in mee na pek lai tiah an iap asiloah an hne kho hna lo.

Mee thilthup peknak ah, na mee na tial tikah ho hmanh nih zoh khawh asi lo.

vawleilei

biaknak in a then

vawleilei mibu ah, cozah biaknak a um lo.

mahte-in acawmmi

midang minung bawmhnak loin, na duhherh caah izalh khawh

Rian ngeih nih a sawhmi cu mi pakhat nih a eidin ca aa cawh khawh i aa inn hlannak man aa pek khawh kha asi.

Amah pa cu amah-tein acawmkhomi asi.

dirhnak

saknak, dirhnak, thoknak

Uktu Phillip nih New South Wales ah ahmasabik colony a dirh.

peng

tualchung cozah hmunhma

Ka peng i lam cu a him ngaingai.

zatlangnun hunhimnak

rianngelo minung, pumtlinglo minung, tar-upa le harnak a ngeimi hna bawmh dingah cozah pension asiloah bawmhnak

Trang nih a rian a sungh tikah, zatlang hunhimnak bawmhnak a sok.

Australia Ngunkhuaipeknak Zung (ATO)

australiami hna caah a bawmmi le riantuanpiaknak phaisa a kawh piakmi ngunkhuai le pension peknak ninglam a sersiammi Australia Cozah bu pakhat

Kum fatin in Australiami tambik hna nih Australia Ngunkhuaipeknak Zung ah ngunkhuai khirhnak an ap.

man hna

mi pakhat a bawmmi phunglam nih a dikmi le a palhmi le dirhmun tampi ah tuahto ning ah biachahnak a ser.

Australia nih hrawmmi man chiahmi hna a ngeih, cu hna cu Australia man hna tiah kan auh.

apemi (volunteer)

man ruahchannak loin mi pakhat asiloah bu pakhat caah a caan aa pemi minung

Raza cu minung hna an inn ah mahlungduh tein Mirang ca chim apemi asi.



Hneksakkhawhmi buthen donghnak ah